

Na osnovu člana 52.stav (1) tačkaa) Statuta Univerziteta u Tuzli, te Zaključaka Senata Univerziteta broj: 03-1123-1-2/20 od 13.05.2020. godine, a u vezi sa Naredbom Kantonalnog štaba civilne zaštite broj: 02/24-40-009018-60N/20 od 22.05.2020. godine, aktom Kriznog štaba Ministarstva zdravstva TK broj: 13/1-33-9594/20 od 18.05.2020., Senat Univerziteta u Tuzli na 21. vanrednoj elektronskoj sjednici održanoj 26.05.2020. godine donio je

## **ODLUKU**

### **o načinu organizacije i realizacije nastave, ispita i odbrana završnih radova na prvom, drugom i trećem ciklusu studija**

#### **I**

Predavanja, auditorne vježbe, kao i dio vježbi i stručne prakse (ovisno o specifičnostima nastavnog predmeta), nastavljaju se realizirati u vidu eNastave do završetka nastave u ljetnom semestru akademske 2019/20. godine.

#### **II**

Nadoknada nerealiziranih nastavnih aktivnosti koje se odnose na praktičan rad studenata u prostoru Univerziteta (vježbe, stručna praksa) i dijela predispitnih aktivnosti (parcijalni ispiti) u ljetnom semestru akademske 2019/20 godine, realizirati će se u periodu od 01.06. do 13.06.2020. godine, prema sačinjenom rasporedu nadoknade.

Nadoknada vježbi na Fakultetu za tjelesni odgoj i sport realizirati će se u periodu od 26.05 do 13.06.2020. godine.

#### **III**

Nadoknada dijela nerealiziranih nastavnih aktivnosti koje zahtijevaju praktičan rad studenata (vježbe) u zdravstvenim ustanovama, kao i klinički staž studenata Medicinskog fakulteta, organizovati će se u koordinaciji dekana fakulteta sa rukovodiocima zdravstvenih ustanova, predstavnicima studenata i Kriznim štabom Ministarstva zdravstva TK, o čemu će studenti biti blagovremeno obaviješteni od strane fakulteta/ADU.

#### **IV**

Vježbe u prostorijama Univerziteta organizovati će se u turnusima, sa maksimalno 15 (petnaest) studenata u grupi, vodeći računa da se iste ne preklapaju, uz mogućnost preraspodjele radnog vremena, kao i radom u šestodnevnoj radnoj sedmici, uz poštivanje Preporuka Zavoda za javno zdravstvo TK za održavanje vježbi, ispita i odbrana završnih radova.

#### **V**

Ispiti će se organizirati na način da se ne stvaraju gužve, uz osiguranje distance od najmanje 2 (dva) metra između osoba, uz mogućnost preraspodjele radnog vremena, kao i radom u šestodnevnoj radnoj

sedmici, uz poštivanje Preporuka Zavoda za javno zdravstvo TK za održavanje vježbi, ispita i odbrana završnih radova.

## **VI**

Odbrane završnih radova prvog, drugog i trećeg ciklusa studija, kao i odbrane projekata, mogu se početi organizovati od 26.05.2020.godine, uz prisustvo maksimalno 10 (deset) osoba, uključujući kandidata i članove Komisije, uz poštivanje Preporuka Zavoda za javno zdravstvo TK za održavanje vježbi, ispita i odbrana završnih radova.

## **VII**

Informacije o izvođenju nastavnog procesa, održavanju ispita, odbranama završnih radova prvog, drugog i trećeg ciklusa studija i drugim obavezama studenata, kao i eventualnim izmjenama, objavit će se na web stranici fakulteta/Univerziteta.

## **VIII**

Sjednice Naučno/umjetničko-nastavnih vijeća fakulteta na kojima se ne može osigurati socijalna distanca odvijat će se i dalje putem e-sjednica.

## **IX**

Za realizaciju Odluke zadužuju se dekani fakulteta /Akademije.

## **X**

Ova Odluka stupa na snagu danom donošenja.

UNIVERZITET U TUZLI  
SENAT

Broj: 03-2310-1-1/20

Tuzla, 26.05.2020. godine

**PREDSJEDAVAJUĆA SENATA**

**Dr.sci. Nermina Hadžigrahić, red.prof.**